

國朝耆獻類征初編

國朝耆獻類征初編

國朝耆獻類徵初編卷一百一目錄

卿貳六十一

邵洪

景祿

永祚

常福

恭阿拉

錢樾

平恕

鐵保

弟玉保

陳大文

周廷棟

宋鎔

國朝書目

平波

常服

常服

歌六十一

國朝書目卷一百一

國朝耆獻類徵初編卷一百一

通奉大夫前署江西巡撫江西布政使司布政使湘陰李桓輯
卿貳六十一

邵洪

邵洪浙江鄞縣人祖基官至江蘇巡撫自有傳乾隆三十年 特
旨恩賜洪舉人三十六年成進士分吏部學習四十四年補主事
四十五年四月充湖南鄉試正考官十二月遷員外郎四十六年
提督河南學政四十七年七月奏歲科四五等生員鄉試應入場
對讀如實係老病及武生全無文理者不便聽其濫充請照例罰
贖四等罰銀三兩五等罰銀六兩解交藩司雇充對讀並請於臨

場考選臚錄字畫時兼取略曉文義者分別記名以便雇充對讀
下部議行十二月丁母憂四十九年二月因河南學政任內失察
登封縣生員李一籌編造逆詞降二級調用四月捐復五十年服
闋候補五十一年仍補吏部員外郎九月提督四川學政五十四
年三月奏科試已竣嚴拏槍手情形 上嘉其認真六月推升吏
部郎中仍畱學政任五十五年任滿回京補刑部郎中五十七年
授江西撫州府知府嘉慶元年調南昌府知府三年升湖南岳常
澧道四年三月升江西按察使十一月遷布政使七年正月因餽
贈江西正考官周興岱路費衣裘奉 旨交部議處尋議降三級
調用 上改爲革職畱任八年調安徽布政使九年因病請解任

得旨准其回籍調理俟病痊後來京另候簡用十一年病痊抵京四月授太僕寺卿七月授宗人府府丞九月擢左副都御史十二年三月高宗純皇帝實錄告成奉旨前次特派覆校之副都御史邵洪著加恩紀錄二次六月都察院將尋常陳奏事件於晚膳呈遞命軍機大臣傳訊旋經訊明係左都御史賡晉主見上以邵洪隨同附和交部察議八月都察院奏江西僧人恢凡呈控伊弟尹悟被生員劉在中等毒斃一案牽涉洪任南昌府時曾勸令息訟具結情事洪未引嫌迴避聯銜同奏奉旨交部察議十三年授禮部右侍郎十六年七月因病開缺回籍十月卒子桓戶部候補員外郎

右國史館本傳

景祿

景祿薩克達氏滿洲鑲黃旗人乾隆三十六年由刑部筆帖式升主事四十年遷員外郎四十二年遷郎中四十五年京察一等擢廣東按察使四十六年遷直隸布政使四十九年擢刑部右侍郎五十年員外郎海昇毆斃其妻吳雅氏刑部以自縊定獄 上派

景祿會同左都御史紀昀本部侍郎杜玉林覆檢仍依原奏擬結嗣又 命戶部右侍郎曹文植總管內務府大臣伊齡阿研鞫得實 諭曰景祿由司員擢至侍郎非不諳刑名者可比乃於特派事件不知秉公辦理瞻徇迴護著革職發往伊犁效力贖罪五十年 賞藍翎侍衛仍畱伊犁效力五十四年授伊犁同知六十

年二月年滿回京 命以主事候補三月補刑部主事嘉慶元年
遷員外郎三年調戶部銀庫員外郎四年以撥四川軍餉領兵大
臣奏報銀數短絀褫景祿職 命肅親王永錫會同刑部訊無剋
扣免其治罪五年二月 諭曰上年部發銀兩景祿辦理不善原
難辭咎但念係滿洲世僕年力強壯既訊無情弊未便令其廢棄
著加恩賞給七品筆帖式在原衙門行走三月補刑部筆帖式八
月遷主事六年因妾曹氏毆斃婢女詭稱自縊褫職逮問嗣經軍
機大臣訊明景祿失察例止罰俸請復其官 上不許降爲刑部
筆帖式十二年 賞三等侍衛充哈密幫辦大臣十三年六月
召回京擢理藩院右侍郎七月兼正白旗蒙古副都統十一月復

調刑部右侍郎十四年調正白旗滿洲副都統十六年轉左侍郎
十八年以查勘 泰陵工程奏報不符降二級調用十九年閏二
月補太常寺卿六月調通政使九月轉左副都御史十二月遷工
部左侍郎兼鑲紅旗蒙古副都統二十一年調鑲藍旗滿洲副都
統是年遷左都御史二十二年以奸商運米出城請將巡城御史
伊縣泰蕭鎮交部議處嗣訊明伊縣泰等婪索得贓 上以景祿
等未經嚴參又不自請處分下部議處部議降調 加恩改爲畱
任二十三年京察屆期先以給事中色成額有疾列入六法復與
同官公議改列三等給事中李振祐劾之下部嚴議降一級調用
命以副都統候補署鑲紅旗蒙古副都統二十四年以年老休

致道光元年卒子薩興阿戶部郎中

同官公右國史館本傳

升二十三平京察國限決以解事中
善未野題處又不自請改食不請
母福泰蕭齡交時蕭齡歸信問母
特景平豐主潘晴史二十二平以
潘主計項兼齡珠項葉古隔潘封
以蘇太常寺喚六民隔歐知刺火
十八平以查博泰刻工野奏辭不
隔限將古計項十四平隔五白項
隔潘將隔潘絲十六平轉主計項

永祚

永祚郭絡羅氏滿洲鑲白旗人由官學生考取繙譯筆帖式乾隆三十六年補工部筆帖式四十七年授直隸井陘縣知縣四十九年調遷安縣因承審遲延降調五十年捐復原官五十四年補奉天府鐵嶺縣知縣五十六年調承德縣五十八年擢義州知州五十九年因親老改補京職八月選授太僕寺主事引見以員外郎升用九月奏畱工部六十年補員外郎嘉慶四年九月裕陵奉安禮成命以應升之缺先行升用旋擢郎中六年京察一等三月授福建道監察御史四月奏請將盛京牛馬稅差照京城左右翼稅務之例每年輪派五部侍郎一員兼管無庸由京另派司

員監督又請將奉天府府丞一缺照各省學政例每屆三年更換一次俱得 旨允行九月遷禮科給事中七年轉掌印給事中八年奏請於伊犁地方設立學舍經大學士會同禮部議駁 諭曰伊犁地處極邊多係索倫錫伯察哈爾額魯特遊牧之地迴非烏魯木齊建立府廳州縣設有學額者可比該處毗連外域自當以嫻習武備爲重若令其誦讀漢文勢必荒疎藝勇風氣日趨於弱於邊防大有關礙此事如係漢員陳奏或尙云未能深悉邊地情形永祚身係滿洲乃以斷不可行之事摭拾陳請太屬不曉事體著傳旨申飭十年六月奏漢御史缺出請將曾經記名之翰林部屬輪班帶領 從之七月因 聖駕將詣盛京恭謁 祖陵疏言

廣東福建兩省洋盜被剿窮蹙恐竄至奉天錦州等處由海口登岸潛入大營肆竊請令協領等親赴各海口嚴密巡防將海船商販舵丁查對號簿並取具兌卸鋪號甘結 諭曰閩粵洋匪不過在外海劫掠商船從未有上岸滋擾之事日前據玉德奏稱匪船皆畏懼竄匿是方逃命之不暇何敢公然登岸且秋令已深西北風漸作匪船焉能遠竄至奉省錦州該給事中於海洋道路情形全未明曉矢口妄談紕謬已極若如所奏辦理勢必紛紛滋擾是以謁 陵省方大典轉爲累商病民之事尙復成何政體永祚所見不獨愚昧且其說傳播徒滋搖惑永祚著交部議處尋議降一級調用 恩准抵銷十三年擢鴻臚寺卿十四年元旦 上詣

堂子行禮以鳴贊官贊禮遺漏各堂官下部議處永祚降二級畱
任不准抵銷十七年遷大理寺少卿十九年九月遷太常寺卿十
一月遷通政使十二月授左副都御史二十年八月擢盛京刑部
侍郎十一月以審擬宗室奕讓酗酒率請移住吉林隨同將軍晉
昌等具奏下部察議得 旨降三級畱任二十一年 命赴錦州
府偕副都統文孚鞠案時查驗添建獄房輒將獄囚感激之詞附
片入奏 上飭其乖謬下部議革職二十二年 命以六部主事
用二十五年授副都統守護 昌陵道光元年卒子岱慶禮部筆
帖式

右 國史館本傳

常福

常福汪氏內務府漢軍正白旗人乾隆三十六年由監生考取內務府筆帖式四十三年遷主事四十四年遷員外郎四十八年兼公中佐領五十六年遷郎中五十七年兼驍騎參領嘉慶元年遷上駟院卿管理造辦處二年充粵海關監督四年差滿回京調武備院卿五年仍調上駟院卿管理造辦處六年 賞戴花翎八年管理圓明園事務仍調武備院卿九年擢總管內務府大臣十年以失察蘇州織造那蘇圖私餽內府銀並受請託罷總管內務府大臣 賞三品卿銜仍管理圓明園事務十一年正月復授總管內務府大臣八月兼鑲白旗漢軍副都統十三年五月 上以各